



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**De Vita Et Institvto S. Ignatii Societatis Iesv Fvndatoris.  
Libri Qvinqve**

**Bartoli, Daniello**

**Lvgdvni, 1665**

V. Legenda Christi, & Sanctorum vita, conuertitur ad Deu[m] Ignatius.

**urn:nbn:de:hbz:466:1-10840**

tam efficacem ipsem attulit, ut extra periculum, iacentem posuerit, non tam opinor in præmium religiosi; de quo paulo ante attrigi poëmatis, quām quod sciri veller Apostolus sua interesse Ignatium viuere, cuius interitu sua Sedes propugnatorem eximium, ducem fortissimum amissura esset Ecclesia. Hinc ergo dolor vanescere, instaurari vires, cibo stomachus refoueri, redire valetudo. Sed adglutinatio fractorum tot ossium quantumvis scita & diligens, tam esse fœlix non potuit, quin ex iis vnum deformi adspectu sub genu extaret, ac breuius altero crus illud remaneret. Ignatius, ut erat elegantiæ imprimis curiosus, deformitatem hanc cerebat tam impatienter ut eam cruciatu quoquis corrigi cuperet: ad hoc ed venit, ut undatam denuo carnibus, ossis illius protuberantiam secari iussit, crucis deinde breuitatem machina ferrea quotidie ad mensuram alterius distendi, ne quam, incessus inæqualis speciem præferret. Vbi sancte memoratu digna mentis inflexæ constantia, cum enim chirurgi prænuntiarent osse resecando, incidendisque carnibus cruciatum iri longè acerbius quām esset vsquam in vita expertus, tantum abest ut resilierit, quin expedito iam in oculis ferro ne ligari quidem sustinuit, ut solent alioqui maximè animosi, quorum, in similibus, virtus, naturæ satis non imperat, & motus etiam perleues, non leue periculum inferunt. Incidi tamen & secari tam æquali vultu, & tam immobilis passus est, ac si ferramentis saxum, non corpus viui hominis scalperetur. Fuit hic Ignatio animus sui adhuc amore deliranti, suæque martyrio vanitatis: neque tamen profus fructu in posterum caruit: nam præter vberem flendi materiam, relegenti stultitiae veteris errores præbitam, exstimulauit deinceps hominem ad quæuis ardua in Dei gloriam, ne plura studio placendi hominibus quam Deo, ab se facta, atque tolerata exprobrantibus offibus proderet.

## V.

*Legenda  
Christi, &  
Sanctorum  
vita, conuer-  
titur ad Deum  
Ignatius.*

Dignus tanto ciue non erat mundus, nataque mens ad sublimiora funditus interiebat; nisi, omissis quæ cœperat, assureret altius quām quo sua illum desideria leuarant. Gloriosius aliud spectabat seruata Ignatio vita, quamvis enim gratia interdum, velut miraculo, homines nihil ad magna adhibeat, vbi tamen capacibus animis sese infuderit, credas illam vires geminare, & ausus haud quaquam triuiales generofis moliti consiliis. Collatum Ignatio à B. Petro beneficium id modo egerat, ut donatam sibi diuinitus vitam agnosceret quidem, eius in melius formandæ quo teneretur titulum nondum attenderet. Quare dum lentius ex crure postremum resecto consanescit, faliendo tempori, & discutiendo tædio, repetebat animo vanitatis pristinæ simulacra, vtque Patri Gonzales familiari suo postea fassus est, totus erat in confingendis urbanitatum nugis, quibus nobiles fœminas in sui traheret admirationem, interque illas vnam præcipue, quam gerebat pridem animo impressam, & cuius ducendæ quanto spem nullam dabat conditio celsior, tanto maius ut fieri solet eius ambiendæ studium inflammabat. Sed ne istud quidem laxamentum inane, in quo integras horas hærebat defixus, illam satis dici totius solidam nauiscam sorbebat; & illa denique vigilantis perpetua, in uno somnia, fessam mentem fastidio opplebant. Sua ergo figura ut interpuget alienis, librum aliquem ex iis poposcit, qui per artificiosi mendacij mirabi

mirabiles exitus , & varietatem fabulæ sic oblectant ut sibi legentem suffuentur vixque sentienti, curas, & tedium adimant. Verum Dei omnino, nutu factum , vt qua in domo talium copia librorum passim occurrebat , ne vllus quidem tunc diligenter quærenti, vlllo vsquam in angulo se daret. Duos fortè fors bona obtulit , sed longe diuerso ab iis qui expectabantur argumento. Landolfi Cæthuiani alter , de vita Christi Iesu ; alter verò de Sanctorum gestis Castellano vterque idiomate. Ad eos itaque legendos , magis quod alij decessent , quām quod pietas suaderet , oculos adiecit. At enim diuina , cum multo aliter sapient quām caduca ; palatum , licet nec syncerum nacta , nec bene comparatum , suum tamen quoddam huic dulce affundunt cuius primox sensu quicquid terrenum est insulsum sapit. Legere itaque cum voluptate Ignatius , quod ante ne aspectu quidem , nisi molesto dignaretur ; ac mirari primum summopere , quām duris , & prolixis pœnis viri sancti , quām crudè in propria corpora sœuissent ; Exin Deo agente in se ipse tacitis cogitationibus redire , & ex se quærere , cur non & sibi tantumdem animi , quantum & illis ad eadem foret ? Huic dura fīlex pro lecto est ; ille catena ferrea stringit latus , & nudis carnibus cilicium adprimit , precando aliis noctes dicit , aliis multorum dierum longa ieunia , crudis herbarum radicibus , & frigida soluit ; est qui se viuum speluncæ cano condit ; qui peregrinatur ad ignota loca , & nudus hyemes , pluuias , soleisque perpetuitur. Erant hi forsitan ex ære fusi , aut ex scopulis nati , qui nihil sentirent , dolerent nihil ; aut si mei fuere similes , cur idem non postero quod & ipsi ? Vixere casti , intra corporis , lutum ; spreuere honores , & quicquid in saeculo eminet , prognati licet nobili sanguine , & magnos spiritus ab initio sortiti cumque omnibus egerent , contenti adeò hac sorte ; torque in ærumnis tam alacres hanc vitam traducebant , vt possessione aliqua ingentis boni necesse fuerit illos hæc infusa calcare. Venam profecto sugebant quandam suauitatis incognitæ , quæ vitam condiret tot cruciatibus amaram. At hæc nisi vnu intelligi non valent , expertique dumtaxat ea norunt ; hem igitur quid si & ipse pœnitentis cultu , nudus pedes , catena præcinctus in sacco compaream ? si me ludibriis hominum , & sannis exponam ? Quid si semota in heremo solus , Deo soli ac mihi posthaec viuam ? si pulpam hanc miseram vexando edomem , partemque nominum disuam quæ peccando infelix contraxi ? quoprest mundus stipendio me sibi auctorare ? aut ego ab illo quid tantum sperare ? vtrumne aliquid , quod non iusto carius , aut emptum doleam ; aut me velocius interitum sit , si tamen hoc ipsum assequi potero : si quantavt mundo placerem perpeti libuit , Dei causa pati maluisse ; quantum inter sanctos nunc locum tenerem ? ad hoc ergo si nihil præterea opus est , per me vnum stabit quominus eo perueniam : his incensus curis , ad legendum redibat ; inde nouis subinde illuminatus flammis , ad eam quæ post securata est sensim mutationem parabatur : qua in re dignum admiratione , quam ab Ignatio nec supremæ , tunc horæ metus vrgens , nec adspectabilis B. Petri præsentia ; nec probè cognitum recepta ab illo valetudinis donum , vita mutationem extorserat ; hanc pitorum librorum simplici lectione ab eo statu bilitam

bilitam: iisce libris in eius animum penetrauit Deus, & lucem intulit, ad quam sua cum sanctorum gestis, studiisque componens, displicere sibi vehementer cœpit, & cupere ardenter in virum alterum recudi: Sic magnum quondam Augustinum, quem nec lachrymæ sanctæ matris, nec fidorum preces amicorum, nec Ambrosij flexerant rationes, breuis domuit S.Pauli locus, totumque Christo dedit. Ea vis est sanctorum librorum, & latet is vigor in eorum verbis quibus arcanos legentium animos alloquitur Deus, ut sœpè momento in sanctos euadant, quamvis vel otio leuando, vel ut Beato Ioanni Columbino euenit, ex nonnulla etiam indignatione. Hinc iure omnino societas debuit (quod & haec tenus præstat) laborum suorum partem non minimam scribendis, vulgandisque addicere, quæ ad promouendam facerent pietatem siue arte hac admodum potenti, animarum saluti quod maximum agit: profutura, siue gratum Deo animum testatur, reddituraque nonnullam gratiam, quod eò Patre nata sit, qui piis ex libris renatus, primos ex iisdem ad progenitam ipsam spiritus duxerit. Haudquaquam tamen victoria conuersi ad Deum Ignatij, uno iœtu stetit. Reducentis ab libro oculos, reuelare mox etiam mentem sexcenti dæmones contendebant, redibat ardor genij militaris, recurrebant sperati honores quos præcipue deperibat, voluptatum trahabant illecebrae quibus ille flos ætatis potissimum capit, verum præ ceteris animum reuocare diæteria & risus, quos erat de se hominibus daturus, iterum enim per ora, scriptaque omnium, ut primum aliqua mutatae vitæ indicia ederet. Ignatium Loyolam amissam Pampelona, impatientem iam publici factum, ne agnosceretur, heremita se regere, ignaviae suæ vituperia & lassitas non ferre, abdidisse se sylvularum recessibus, & viuentem cavernis sepelisse, sic partim pellectus, partim exterritus, nec resistendo par cedebat sibi ipsi, non damnans quidem suscepit propositum, sed veterem dicens deliciarum, & gloriæ saliuam, post Paulum vero meliore instinctus cogitatione librum resumebat in quo seipse quem perdere cœperat, rursus recuperans, repetebat simul priores impetus, & nouis accinctus viribus, ac noua in luce, mentem in Deo ægram obfirmabat, redditurus in hostem valentior: elusas pia lectio impressiones, & machinas denuo iterantem, quæ boni, prauique consilij alternae vices, aliquamdiu tenuerunt, dum eodem ex libro toties, mutandæ vitæ idem versans, tundensque propositum id denique excudit, victorque tandem in ipso Deus, ipseque in Deo, perpetuum statuit, & quia, ut semper animaduersum est, ea fingebarat Ignatij sanctitas, quæ magis ratione, quam incitatione animi ageretur, voluit ipsius iudicio Deus, quæ constituebat ab eo exigi; ergo eius animum aduertit ut ex obseruatis diligenter affectuum momentis conficeret, quoties Deo inservire, vitamque aggredi quam postea tenuit, siccum & asperam decreuisset; toties solitum decreta hæc subsequi mentis quoddam serenum, iis delubrat solatiis nihil ut præterea cuperet, sed impleretur penitus alta pace cordis intima occupante; quod ex caducis mundi delitiis, nec poterat, nec sibi vnuquam, senserat contigisse, at cum viceversa reuolueretur in priores nugas, fingeretque se optatum apicem diuinarum, & gloriæ, voluptatumqueprehendisse; hæfisse hinc animo sequacem eius consilij moerorem, & inquietam amaritudinem. Præterquam quod etiam cernebat, quidquid sibi dulce, venire ab terrenis posset, cum vir,

prima

prima in cute fusum, solidum animi non peruadat, nunquam desideriis ex-plendis par fore. Ita probe ratiocinantem, ac fidum interpretem seipsum sibi adhibebat, dum iis se tædij ac tristitiae vocibus moneri sentiebat: In ferendo de legendis rebus iudicio, hærendum non esse in fuso quem præferunt, sed prospiciendum quod desinant, opponendisque in lance altera, quas in di-scensu relinquunt miserias, cum iis bonis quæ secum videntur aduentu suo inuehere. Quis cæcus non videat, æterna quanti sint præ iis quæ fluunt cum tempore? ac demus, fastigium attingas fœlicitatis illius auido ambitu cogitatæ, nedum meritis parandæ; quid inde? cum ut maximè fida sit, ad sepulcrum, nec ultra comes sit iturai, nde qui ea fruebatur præter infelicem eius memoriam, aliud secum ad inferos nihil refert, nisi soluenda æternum no-mina, æternum exigenda. Hi sensus nouitium diuinorum rudem, tunc qui-dem confirmarunt, & concepti de mutanda vita tenacem propositi fecerunt, post verò perspicaciorum accessu lumen, claraque intelligendi vi, affectus contrarios mœtoris, & lætitiae relegens, ex diuerso boni malique spiritus impulsu consequi solitos, pro certa regula habendum statuit, posse quilibet motuum quibus agitur, authorem iis quiescentibus, cuiusmodi fuerit bonus, an malus, discernere ex conditione affectuum quos menti impressos reliquerint. Dei enim est tranquillum, alacrem, ac mirè lætum; deemonis è contrariò, tristem, conturbatum, & sibi similem tenebriscosum efficere.

Iam erat Ignatio fixum illos sequi viuendo, quorum egregia virtute, de-forme suum damnari sentiens, se ipsum horruerat; restabat tam vario ex vi-tæ genere in iis effulgente, exemplum sumeret, quod sibi promptius ad imi-tandum esset; in quo illi non fuit diu deliberandum, vt qui magno ardore ad saccum, cilicium, & speluncæ rupem; ad noctes orando peruigiles, soim-nos nuda in humo carpendos, carnem catena, inedia, itineribus frangen-dam, se rapi sentiret, & modis omnibus diuexandam, seu vitæ conscius anteactæ delere lacrymis, ipsoque sanguine admissa fatigebat; siue quod noua, na-scensque pietas, sanctimoniaz medullam, sumimamque virtutis in excru-ciando corpore statim ponit; aut fortè quod solet recens ad Deum conuersio suscepit feruoris ciuilis modi habere laxamenta, quibus se diuina gratia opportunè coaptat, vt nouos homines ab sui & sensuum amore diuellat, quem voluntariae corporis afflictiones præcipue impugnant. Hæc animo voluens, dum conualefecit Ignatius, nequaquam vt antea tempus insumere percurrentis tantum Christi Iesu, eiusque Matris sanctissimæ, & beatorum gestis; sed imitandi iam cupidus, feligere ex iis maximè heroica quibus pro exemplari, vteretur, eadē inque referre in quaternionem trecentis constantem foliis, diligentia singulari, & eleganti charactere; neque hic debet vt leue, omitti, magnæ pietatis argumentum, modus ipse illa, adnotandi, reueren-tia nimis quædam, & aestimatio eorum quæ sibi deinceps factis expri-menda colligebat: ratus enim hæc tam illustria parum decore atramento scribi, varios ad hoc colores adhibebat & Virginis quidem laudes eximias cœrulo; Christi autem minio pingebantur, Sanctorum aliis coloribus aliæ, pro cuiusque gradu pulchrioribus, aut minus præstantibus, vt eminere magis

## VI.

*Primus Ignatij ad pietatem ardor, concu-titur dum se deuou-uet Deo, vi-sendam se illi B. V. praber, singulari do-no castimo-nis illum ornat.*